


鄂國金佗續編

三之四



漢書門			
八	九	四	九
二	一	十	八
〇	二	〇	〇
冊	架	函	號

內閣文庫		
六	八	漢
七	九	書
函	四	
二	九	
五	〇	
架	冊	類

內閣文庫		
番號	漢	8949
冊數	20	(12)
函號	287	90



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



鄂國金佺續編卷第三

淺草文庫



孫朝請大夫權尚書戶部侍郎總領浙西江東財賦淮東軍

馬錢糧專一報發 御前軍馬文字兼提領措置屯田通城

縣開國男食邑三百戶賜紫金魚袋 岳珂 編次

系綸傳信錄之二

紹興二年

蓬嶺敗曹成獲捷撫諭將士

紹興三年

辭免鎮南軍承宣使不允

詔

紹興四年南軍奉宣對不允

辭免神武後軍統制不允 詔

辭免清遠軍節度使湖北路荆襄潭州

制置使特封武邑縣開國子食邑五

再辭免同前不允 詔

再辭免同前不允 詔

紹興五年 辭免鎮寧崇信軍節度使進封武昌郡

開國侯加食邑五百戶食實封貳伯

再辭免同前不允 詔

再辭免同前不允 詔

第三辭免同前不允 詔

自池州移軍潭州獎諭 詔 三月

招捕湖湘寇戒諭將士 詔 三月

殺揚公賜 詔獎諭 六月

乞罷制置使畀以祠祿不允 詔 七月十

辭免檢校少保進封開國公加食邑五

百戶食實封貳伯戶不允 詔 九月

百戶食實封貳伯戶不允 詔 九月

百戶食實封貳伯戶不允 詔 九月

百戶食實封貳伯戶不允 詔 九月



辭免湖北襄陽府路招討使不允 詔

十二月

紹興六年

辭免易武勝定國軍節度使宣撫副使

加食邑五百戶食實封貳伯戶不允

詔

復商虢二州及偽鎮汝軍撫問 詔

寇成等擅殺賊兵宣諭戒勵諸軍 詔

行軍襄漢正當雪寒撫諭將士 詔

紹興七年

辭免起復太尉仍加食邑不允 詔二月

再辭免起復太尉仍加食邑不允 詔

辭男特轉三官授武略大夫所請宜

詔

上章乞骸骨不允繼赴行在入見

待罪降 詔慰諭 六月

張宗元奏軍旅精銳獎諭 詔

紹興八年

無

紹興二年

蓬嶺敗曹成獲捷撫諭將士 詔

勅岳飛下一行將士等比緣逋寇未即天誅
既蹂躪於湘南又窺覷於嶺表顧作民父母
豈朕志之敢寧而為國爪牙繫汝曹之可仗
爰整貔貅之旅往夷蜂螳之羣一心爭先再
戰皆克緬維忠力深用歎咨屬此暑時方當
窮討重念征行之遠能無暴露之勤勉服顏

行亟平氛祲更趨後効毋替前功併需飲至
之期優議策勲之典宜令岳飛一一記錄將
士勞績候賊平日參酌功效高下開具聞奏
當議優與推恩故茲詔示想宜知悉

紹興三年

辭免鎮南軍承宣使不允 詔

勅具悉朕以九江之會衿帶武昌控引秋浦
上下千里占江表形勢勝地宿師遣戍而以
屬卿增壯軍容併加使號蓋圖乃績願匪朕

私維卿殄寇之功馭軍之略表見於時為後來名將江湖之間尤所欣賴兒童識其姓字草木聞其威聲則夫進秩授任就臨一道豈特為卿褒寵亦以慰彼民之望其尚何辭所辭宜不允

紹興四年

敕具悉朕惟荆楚之郊自昔用武之地以卿有憂國濟時之志有馭衆却敵之威故命以

專制西南一面之重比授王旅深入盜區折
馘執俘所向必克輿圖所復幅員千里朕方
圖爾之功以觀厥成遽覽需章亟辭舊職殆
非朕之所期於卿者也勉服至意毋復有陳
所辭宜不允

辭免清遠軍節度使湖北路荆襄
潭州制置使特封武邑縣開國子
食邑五百戶食實封二百戶不允詔
勅具悉朕惟明主不吝賞所以求社稷之臣

良將不言功所以恤國家之難上下相與古
今一途卿稟雄勁之姿蘊深湛之慮識通機
變忠貫神明鼓勇無前服勞先於士卒執謙
不伐行事合於詩書比總偏師克平叛寇坐
復六州之故地用蘇千里之疲氓嘉爾設施
出於談笑旣策勲之甚茂宜班爵之特優建
大將之鼓旗往臨三路授元戎之鈇鉞增重
六師奚為遜牘之陳猶避寵章之渥亟膺明
命益勵遠圖庶見方隅綏靖之期乃稱朝廷

崇獎之意所請宜不允

再辭免同前不允 詔

勅具悉卿忠義出於天資忱恂著於臣節志
徇國家之急身先行陣之勞蓋嘗推功名而
不居豈復私富貴以為意然賞國之典輕重
眎功師不淹時役不再籍連克六城之聚復
還千里之疆振凱遄歸策勲可後謙以自牧
卿雖必欲執三命之恭賞或失勞朕將何以
為萬夫之勸勉服成命毋復費辭所辭宜不允

紹興五年

辭免鎮寧崇信軍節度使進封武
昌郡開國侯加食邑五百戶食實
封貳伯戶不允 詔

勅具悉屬者襄漢之舉旌旗所指勢若破竹
盪平六郡役不再籍是用建爾節旄授之斧
鉞以臨融水之師而秉義抗辭至于再三今
寇戎內侮蹂踐兩淮獨提虓旅徑絕大江鼓行
西向以挫其鋒折馘執俘厥功茂焉朕載披

輿圖惟鎮寧崇信為時重鎮併是兩節肆以
命卿廼復逡巡懇避形於奏牘德遜之美功
成弗居雍容可觀士論稱歎雖謙終可以保
吉然信賞所以示公朕命不移往其祗服所
請宜不允

再辭免同前不允 詔

勅具悉朕不愛爵賞以勸有功授受之間期
於無愧出節少府疊組巨藩匪時雋功夫豈
輕畀卿當堅忠義之素節念恢復之遠圖迄

觀厥成以稱朕命思其大者毋事小廉所請
宜不允

第二辭免同前不允 詔

勅具悉卿愷旋振旅入覲于廷舍爵策勲賞
不淹畧朕非以是寵卿也謂名器天下之王
公而爵祿人主之利勢有功不賞朕將何以
使能無言不酬卿亦思所以報上苟曰無愧
豈必固辭所請宜不允仍不許再有陳請

自池州移軍潭州獎諭 詔

勅卿遠提貔虎往戍潭湘連萬騎之衆而桴
鼓不驚涉千里之塗而樵蘇無犯至發行賞
之泉貨用酬迎道之壺漿所至得其歡心斯
以寬予憂願嘉治軍之有法雖觀古以無慚
乃眷忠忱益加咨歎故茲獎諭想宜知悉

招捕湖湘寇戎諭將士 詔

勅岳飛眷彼南服遠於朝廷吏情弗虔民貧
為盜稍乘虛而肆暴因恃險以逋誅爰命丞
徒往平狡窟言念驅率良善多出於脅從誘

致流亡或成於誑誤按罪止誅其首惡招來
餘許其自新而主將非人師行失律帥守無
一方之任罔思出力以濟功漕臣分兩路之
權乃欲便文而專制爭快一時之忿陰懷首
鼠之端原其本心實阻軍事坐糜歲月未撤
師屯環視湖湘久纏兵革焚剽之禍既延及
于平民饋餉之煩復重勞於編戶旰宵在念
塗炭興嗟比者易將授方濟師底伐必期平
蕩以靖方隅凡茲牧守郡縣之官爰暨金歿

轉輸之任並修厥職惟乃一心如敢玩寇妨
功徇私懷貳或應援之有愆幾會或饋運之
有乏軍興大則誅殛以正典刑小則竄流以
禦魑魅法茲無赦朕不敢私載念遺黎屢經
調度財力為之凋瘵耕織至於失時抵俟賊
平優加恩恤如有出奇畫計奮戰摧鋒共懷
敵愾之心助成破賊之勢高爵重祿當報爾
功朕言不渝衆聽毋忽故茲戒諭想宜知悉

殺揚公賜

詔獎諭

勅岳飛湖湘阻深姦兇嘯聚曩命往伐用非
其人輕敵寡謀傷威損重遂令孽寇久稽靈
誅卿勇略冠軍忠義絕俗肅將王命隄集長
沙威稜所加已聞聲而震豐恩信既著宜傳
檄而屈降消時內侮之虞宜予不殺之武盜
區肅靜南服妥安載念殊勲不忘嘉歎故茲
獎諭想宜知悉

乞罷制置使畀以祠祿不允
勅具悉任才者常患不能盡其用建功者常

患不克圖厥終僮匪上下之相符是為古今
之深戒卿肅持將鉞勤宣王靈北定荆襄南
清湖嶺恩信甚洽威名益彰欲資帥閫之雄
增重上游之勢忽覽奏牘所解使權屬茲艱
虞方深注倚遽求殊駭聽俾朕貽用
才不盡在卿之功攸終之義揆之於
理夫志願當素心雪國家之
積耻志往體懷勿復有
請所請宜不允

辭免檢校少保進封開國公加食
邑五百戶食實封貳伯戶不允詔
勅具悉湖湘之役翫寇老師累年于茲一方
受弊卿往攄遠略迄定內虞擣其巢窟離其
支黨係致元惡綏靖良民厥功懋矣賞國之
典豈朕敢私成命旣孚師言維允毋庸謙執
其亟欽承所辭宜不允
詔
辭免湖北襄陽府路招討使不允

勅具悉卿紀績旃常視儀孤棘式嚴閹制增
重使權名非苟以假人位必期於稱德尚茲
謙執殆咈眷懷難得者時當畢力功名之會
有勞於國亦何嫌爵祿之加亟服懋恩益思
來効所辭宜不允
紹興六年

辭免易武勝定國軍節度使宣撫
副使加食邑五百戶食實封貳伯
戶不允詔

勅具悉漢高帝一日得韓信齋戒築壇拜為大將授數萬之衆雖舉軍盡驚而高帝不以為過與待絳灌樊鄴輩計級受賞者蓋有間矣豈非用人傑之才固自有體邪卿智勇兼資忠義尤篤計無遺策動必有成勲伐之盛焜耀一時豈與淮陰侯初遇高祖為比哉朕之報功者褒顯已厚爵位已崇今復侈大使名用增重於闡寄所以示優異之寵不為越而卿辭之何也往祇茂恩毋復有請所辭宜

不允

辭免起復不允 詔

勅具悉委質為臣義無有已要經服事禮有從權雖陟屺之思恩莫隆於母子而枹鼓之急身必先於國家矧三軍之耳目待其指縱一時之利害間不容髮豈可忽安危之大計謹苦塊之私哀爾其擇忠孝之宜審重輕之勢亟視軍政往赴事機所請宜不允仍不許再有陳請依已降指揮日下主管軍馬措置

調發不管少失機會

復商虢二州及偽鎮汝軍撫問
勅叛臣逆命屢寇邊垂長策待時始行天討
卿義不避敵智能察微密布銳兵指縱裨將
陳師鞠旅進貔虎以憑陵斬馘執俘戮鯨鯢
於頃刻遂復商於之地盡收虢略之城夫
叔盈麾螯弧以登勇聞奮許公子偃蒙臯比
而犯功止乘丘猶能著在遺編名垂後世有
如卿者抑又過之長驅將入於三川震響傍

驚於五路握兵之要坐圖累捷之功奪人之
心已懾羣凶之氣精忠若此嘉歎不忘故茲
撫問想宜知悉

寇成等擅殺賊兵宣諭戒

詔

勅國家以叛逆不道狂狡亂常遂至行師本
非得已並用威懷之略不專誅伐之圖蓋念
中原之民皆吾赤子迫於暴虐之故來犯王
師自非交鋒何忍輕戮庶幾廣列聖好生

之德開皇天悔禍之衷卿其明體朕懷深戒
將士務恢遠馭不必專威凡有俘擒悉加存
撫將使戴商之奮益堅思漢之心蚤致中興
是為偉績毋或貪殺失朕訓言故茲宣諭想
宜知悉

行軍襄漢正當雪寒撫諭將士 詔

勅岳飛一行將士軍兵等叛臣不道竊據中
原賴七願之威靈尚存遺澤致四方之忠義
皆有奮心惟爾一軍備經百戰遙聞征殺頗

犯雪寒以予露蓋之勞知爾執戈之苦眷言
體國良極歎嘉重念忘身又興惻怛所恨阻
脩之道路不能親撫於師徒惟深體於眷懷
務亟成於偉績故茲撫諭想宜知悉

紹興七年

辭免起復太尉仍加食邑不允 詔

勅具悉朕以戎狄作難姦偽乘時命南征北
伐之師得戰勝攻取之將冀攘群醜以底丕
平卿為國爪牙董茲貔虎功收江漢之表聲

震河洛之郊大破逆徒進臨要地秋毫七害
既昭布於上恩壺漿以迎遂撫寧於舊俗佇
戡大憝亟靖中原屬茲振旅而還式示告廷
之寵惟將軍膺制閫之命能辟國以宣威而
太尉乃掌武之官用策勳而懋賞斯為甚稱
其勿固辭所請宜不允

詔

勅具悉凡賞無常輕重眎功周之制也太尉

古官昔在三公之右今同二府之列艱難以
來尤重茲任非有大功不以命之卿一時人
傑董我戎旅百戰百勝厥功茂焉日者淮蔡
之戰王命將通於洛邑商號之役威聲已振
於秦川我圖爾功宜有重賞是用建爾久虛
之位崇以輔臣之禮蓋將以勸天下之有功
者而非以為卿私也何為固辭殊拂朕意其
祇成命毋復重陳所辭宜不允

辭男特轉三官授武略大夫所

請宜允

勅具悉朕以卿肅提師律進辟土疆功在必
酬既舉策勲之典寵惟無數用昭延賞之私
卿乃力抗封章推先將士謂名器之虛授將
磨厲以何繇朕思其言所見者遠蓋不特固
執謙遜耻同漢將之爭功而使其自立勲勞
復見西平之有子載深嘉歎姑務勉從所請
宜允

上章乞骸有旨不允繼赴

勅岳飛省劄子奏臣妄有奏陳乞骸之罪明
正典刑以示天下臣待罪事具悉朕究觀自
昔之將帥罔不歸重於朝廷蓋將既尊君則
下知從令協致爪牙之利用成社稷之功此
所以名書鼎彝慶流孫子而君臣並受其福
者也卿識洞韜鈴天資忠孝龍驤虎視聲動
四方眷遇之隆超越今昔而乃誤於聞聽輕
有奏陳及承命而造朝能抗章而引咎深達

君臣之義尤知名分之嚴維石慶之以謹聞
吳漢之自譴責質之古道何以加諸夫有志
者事必成無咎者善補過本無瑕吝何以謝
為三復忱辭不忘嘉歎故茲詔示想宜知悉
張宗元奏軍旅精銳獎諭詔
勅朕致天之討仗義而行秉律成師誓清乎
蝥賊整軍經武必籍於虎臣眷予南服之區
實捍上流之勢卿肅持齋鉞洞照玉鈐茹苦
分甘與下同欲裹糧坐甲唯敵是文旗甲精

明卒乘輯睦士聞金鼓而樂奮人懷忠孝而
易從動焉如飄風固可以深入延之如長刃
何畏乎橫行覽從臣之奏封知將帥之能事
卿誠如此朕復何憂想鉅鹿李齊之賢未嘗
忘者聞細柳亞夫之令稱善久之故茲獎諭
想宜知悉
紹興八年無

鄂國金佗續編卷第四
孫朝請大夫權尚書戶部侍郎總領浙西江東財賦淮東
軍馬錢糧專一報發 御前軍馬文字兼提領措置屯田通
城縣開國男食邑三百戶賜紫金魚袋 岳珂編次

鄂國金佗續編卷第四

孫朝請大夫權尚書戶部侍郎總領浙西江東財賦淮東
軍馬錢糧專一報發 御前軍馬文字兼提領措置屯田通
城縣開國男食邑三百戶賜紫金魚袋 岳珂編次

絲綸傳信錄卷之三

紹興九年

辭免開府儀同三司加食邑五百戶食

實封參伯戶不允

詔 正月十一日

再辭免同前不允

詔

第三辭免同前不允 詔

第四辭免同前不允 詔

乞同齊安郡王士儂等祇謁陵寢因以

往觀敵釁 詔以將聞不可久虛不

須親往 詔四月十日

先以湖北京西路累經殘破州縣官無

人願就許令自知通以下辟差今來

已復河南故地其兩路並是腹心所

有州縣差官乞自 朝廷差注得 旨依

師至定遠元术等望風退遁解圍廬州

賜獎諭 詔二月二十三日

辭免樞密副使不允 詔

再辭免同前不允 詔

辭序位在參知政事之上不允 詔

帶樞密本職前去按閱 御前軍馬措

置戰守 詔

乞罷樞密副使仍別選異能同張浚措

置戰守不允 詔

辭免男除帶御器械宜允 詔

再乞檢會前陳還印樞庭投身散地不

允 詔

辭免武勝定國節度使依前少保充萬

壽觀使仍奉朝請乞一在外宮觀差

遣不允 詔

紹興九年

辭免開府儀同三司加食邑五百

戶食實封參伯戶不允 詔

奏仍賜獎諭 詔

乞罷軍政退休就醫不允 詔

紹興十年

先於荆襄湖北措置屯田軍食省饋過

半賜以 御書諸葛亮曹操羊祐三

事復賜此 詔

金人叛盟兀朮再犯河南令諸路進討 詔

復蔡州因奏賊虜之計大合 上意獎

諭 詔

辭免少保兼河南府路陝西河東北路

招討使加食邑七百戶食實封參伯

戶不允

詔六月

再辭免同前不允

詔

郾城斬賊將阿李朶孛堇大獲勝捷賜

詔獎諭仍降関子錢犒賞戰士

頴昌捷後俄

詔班師上章力請解兵

柄致仕不允

詔

紹興十一年

勅具悉朕永念艱難之日未酬於戰多逮茲
恢復之時不忘於武備爰頒渙寵用表殊勲
蔽自朕心非云濫典卿踈通而能斷果毅而
有謀勲載旂常令行襄漢眷惟休渥允協師
言何未諒於忱誠尚或形於謙遜朕命不易
可無復辭所辭宜不允

再辭免同前不允

詔

勅具悉朕嗣承艱難之業憂勤十年肆成恢
復之圖亦惟二三將臣宣勞之久以克有濟

是用寵卿儀物峻陟三台蓋非特以示報功
抑亦賴卿遠猷以永臻於綏靖也詩不云乎
無德不報朕方勉焉宜趣奉承無煩訓告所
辭宜不允

言回未請第三辭免同前不允

勅具悉朕惟文武異宜弛張迭用招携懷遠
雖資文德之修折衝消萌亦賴武功之助古
今未嘗以偏廢名器豈徒於假人卿勲烈著
於旂常威名震於夷夏每懷忠憤之志欲圖

恢復之功軍聲旣張國勢益振致鄰邦之講
好歸故地以效誠憑力師干庸固多矣疏榮
賞典事豈偶然辭之不足為廉受之無傷於
義往其祇若勿復重陳所辭宜不允

第四辭免同前不允

勅具悉卿位居上將績紀太常卻穀守學而
彌敦祭遵克已而愈約甘苦同於士卒故雖
萬衆而猶一心號令行於師徒故雖千里而
如在日久展幹方之略備宣衛社之忠濟此

艱難助予興復高秩厚禮允答於元功華袞
命圭肆同於三事而乃過形遜德荐節謙詞
顧丕號之已颺豈換恩之可反毋煩再四以
拂予懷所辭宜不允仍不許再有陳請
乞同齊安郡士儂等祇謁陵
寢因以往觀敵冢詔以將闔不
可久虛不須親往詔
勅具悉朕以伊瀍頃隔於照臨陵寢又稽於
汛掃速茲恢復之日亟修謁款之儀卿慨然

陳情請為朕往雖王事固先於盡瘁然將闔
不可以久虛殆難輟於撫綏徒有懷於忠蓋
寤寐于是嘉歎不忘已降指揮止差將官一
兩負部押壕寨人匠軍馬共一千人隨士儂
張燾前去卿不須親往故茲詔示想宜知悉
先以湖北京西路累經殘破州縣
官無人願就許令自知通以下辟
差今來已復河南故地其兩路並
是腹心所有州縣差官乞自朝

廷差注得旨依奏仍賜獎諭

詔

勅具悉昔蘇建常責大將軍衛青至尊重不能招選賢士青謝曰人臣奉法遵職而已何與招士其言雖未合理然其處功名遠推勢要當如是爾昨者干戈未戢道路不通襄漢之問凋弊尤甚故州縣之吏上自守宰下至寮屬推時之宜委卿辟置今既臻綏靖遠邇如一銓擇之柄當在朝廷卿所抗章殊合事體

自非思慮之審謙恭之至何以及此古人不遠嘉歎巨忘所請宜允故茲獎諭想宜知悉乞罷軍政退休就醫不允詔

勅具悉卿竭忠誠而衛社迪果毅以臨戎元勳既著於鼎彝餘暇尚閑於俎豆蕃宣所賴體力方剛遽欲言歸殊非所望顧安危注意朕豈武備之可忘惟終始一心汝亦戎功之是念益敦此義勿復有云所請宜不允

紹興十年

先於荆襄湖北措畫屯田軍食省
饋過半賜以御書諸葛亮曹操

羊祜三事復賜此詔

勅朕考觀古昔斟酌時宜欲豐軍食之儲必
講屯田之制故充國經畫於金城而兼得十
二便之利曹操規始於許下而遂收百萬斛
之饒先積粟以為資乃厲兵而必戰况今寇
戎未靖征戍方興賴將帥之同寅致士卒之
樂附顧尺籍所隸之數日以增多而經賦所

入之常歲有定限既不可剝下以取給固莫
若興田而雜耕卿等叶志定謀悉忠體國率
勵衆士和協一心勿憚朝夕之勞共建久長
之策故茲詔示想宜知悉

金人叛盟兀朮再犯河南令諸路

進討詔

勅昨者金國許歸河南諸路及還梓宮母
兄朕念為人子弟當申孝弟之義為民父母
當興拯救之思是以不憚屈已連遣信使禮

意備厚雖未盡復故疆已許每歲銀絹五十萬所遣信使有被拘留有遭拒却皆忍耻不問相繼再遣不謂設為詭計方接使人便復興兵今河南百姓休息未久又遭侵擾朕盡然痛傷何以為懷仰諸路大帥各竭忠力以圖國家大計以慰遐邇不忘本朝之心以副朕委任之意故茲詔示想宜知悉

復蔡州因奏賊虜之計大合
意獎諭詔

勅具悉比以虜寇猖獗我師剋捷懼或狃於屢勝忽被不虞乃申飭於戎臣俾各嚴於武備過為待敵之計用收全勝之功今覽奏陳大契朕意有以見卿料事精審為國深謀披採以還良多嘉歎故茲獎諭想宜知悉

辭免少保兼河南府路陝西河東
北路招討使加食邑七百戶食實
封參伯戶不允 詔

勅具悉朕以恢復大計望于爾二三大帥肆

於授任之際並渙恩徽所以示注意之渥而
卿抗章陳誼力欲懇辭既嘗申諭至懷乃復
固守謙抑雖嘉爾志良拂朕心勉立殊勲是
為異報所辭宜不允

再辭免同前不允

詔

勅具悉卿每拜官必力懇避誠知卿懷冲遜
之實非但為禮文之虛也今復以將士方冒
矢石當鋒而不欲獨先被厚賞為言陳誼甚
高朕所嘉歎第惟同時並拜二三大帥皆以

次受命卿欲終辭異乎蘧伯玉用心矣尚體
茲義勿復有云所辭宜不允

郾城斬賊將阿李朶孛堇大獲勝

捷賜詔獎諭仍降關子錢犒賞

戰士

勅自羯胡入寇今十五年我師臨陣何啻百
萬曾未聞遠以孤軍當茲巨孽抗犬羊並集
之衆於乎原曠野之中如今日之用命者也
蓋卿忠義貫於神明威惠孚於士卒暨爾在

行之旅咸懷盡敵之心陷陣摧堅計不反顧
鏖鬪屢合醜類敗犇念茲鋒鏑之交重有傷
夷之苦俾爾至此時予之辜惟虜勢之已窮
而吾軍之力振尚効功名之志亟聞殄滅之
期載想忠勤彌深嘉歎降關子錢二十萬貫
犒賞戰士故茲獎諭想宜知悉

穎昌捷後俄詔班師上章力請

解兵柄致仕不允詔

勅具悉卿勇略冠威名服衆分鎮一道使

敵人無侵侮之虞盡節本朝致將士有忠誠
之効方資長筭助予遠圖未有息戈之期而
有告老之請雖卿所志固嘗在於山林而臣
事君可遽忘於王室所請宜不允

紹興十一年

師至定遠兀术等望風退遁解圍

廬州賜獎諭詔

勅蠢彼狂胡輕犯淮右惟爾將士忠憤一心
執銳爭先刻期並進誓敵王愆用懺出讎既

逆過其姦鋒遂屢摧其醜類捷書累至軍聲
大張蓋自兵興以來未有今日之盛也况淮
東之軍且出其後沔鄂之衆復來自南合吾
仁義之師當彼殘暴之寇天時人事理若相
符靖亂息民其在茲舉尚思困獸之鬪務保
全功罔俾隻輪之還庶殄遺育念爾履鋒之
苦軫予當饋之歎爰錫璽書徃昭至意其增
激於義槩以並茂於功多受馘策勲具有盟
誓高爵重祿朕不汝忘故茲詔示想宜知悉

辭免樞密副使不允 詔

勅具悉朕以虜寇未平中原未復更定大計
登用樞臣惟吾制閫之良宜有籌帷之略俾
參密席庶協廟謨當思注意之隆遂展濟時
之志守謙避寵非予望焉所辭宜不允

垂辭免同前不允 詔

勅具悉朕焦心勞思宵衣旰食所願訓武厲
兵一洒讎恥寤寐賢佐協濟良圖卿忠勇自
奮材智有餘是宜左右贊襄以輔不逮蔽自

朕意擢貳樞廷尚體異知勉摠素蘊毋稽成
命固執謙辭所辭宜不允
辭序位在參知政事之上不允
勅具悉卿蚤建殊勲顯登亞保雖贊西樞之
務實聯左棘之班肆同列之有陳請會朝而
居下朕嘉其自抑蓋有能遜之風俾爾在前
且昭右武之意情文俱得禮法無嫌胡為守謙
未安厥服勉體睠意勿復有言所請宜不允

帶樞密本職前去按閱 御前軍

馬措置戰守 詔

勅保大定功武有經邦之略蚤正素治戒惟
先事之防將挾溢以求全必因時而適變連
百萬虎貔之旅自我翁張擇一二股肱之良
為予犇奏卿勲在社稷名震華戎謙退踵征
西之風廉約蹈祭遵之節比從人望入替樞
庭方國步之多艱念寇讎之尚肆未反采薇
之戍將親細柳之軍諒匪忠賢孰膺寄委當
令行陣之習有素戰守之策無遺伐彼姦謀

成茲善計尚體眷注無憚勤勞故茲詔示想
宜知悉

乞罷樞密副使仍別選異能同張
浚措置戰守不允 詔

勅具悉朕以前日兵力分不足以禦敵故命
合而為一悉聽於卿朕以二三大帥各當一
隅不足以展其才故命登于樞機之府以極
吾委任之意凡為此者而豈徒哉戰守之事
固將付之卿也今卿授任甫及旬浹乃求去

行府之命措置之責乃辭不能舉措如此
朕所未喻夫有其時有其位有其權而謂不
可以有為人固弗之信也毋煩費辭稽我成
命所請宜不允

辭免男除帶 御器械宜允 詔

勅具悉朕睠若勲臣任以本兵之寄寵其嗣
子俾居扈從之聯蓋昭信倚之誠豈拘文法
之末而卿秉心廉 孝宗御名 執德謙冲力抗封章
固求遜避援三尺而有請諒一意之莫回勉

徇雅懷不忘嘉歎所請宜允

再乞檢會前陳還印樞庭投身散

地不允 詔

勅具悉朕登用元勳圖回密務方賴同心之助式恢馭遠之規曾居位之日幾何乃丐閑之章踵至無亦過矣為之憮然其體注懷尚安厥位所請宜不允

辭免武勝定國節度使依前少保充萬壽觀使仍奉朝請乞一在外

宮觀差遣不允 詔

勅具悉卿登翊樞筦曾未淹時乃以人言遽求釋位惟去就之義卿之所敦顧終始之恩朕安敢廢茲用寵以節旄之舊畀之祠祿之優君臣之間庶幾無愧令弗惟反又何辭焉所請宜不允

